



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Broj: 333-1/23

Datum: 25.04.2023.

ZAPISNIK

Sa 13. sjednice Nadzornog odbora "Kantonalnog zavoda za zaštitu kulturno-historijskog i prirodnog naslijeđa Sarajevo", održane 28.2.2023. godine (utorak) putem online platforme u 10:00 sati.

Prisutni na online sjednici su:

- Igor Radovanović - predsjednik Nadzornog odbora,
- Maja Hafizović - članica Nadzornog odbora,
- Duško Bašić - član Nadzornog odbora,
- Boris Trapara - direktor Zavoda,
- Amra Rodić - zapisničar.

Sjednicu je otvorio Predsjednik Nadzornog odbora JU "Kantonalnog zavoda za zaštitu kulturno-historijskog i prirodnog naslijeđa Sarajevo" i predložio slijedeći Dnevni red na usvajanje:

DNEVNI RED

1. Usvajanje Zapisnika sa 12. (dvanaeste) sjednice Nadzornog odbora JU "Kantonalni Zavod za zaštitu kulturno-historijskog i prirodnog naslijeđa Sarajevo" održane u utorak, 31.01.2023. godine putem elektronske pošte s početkom u 08:30 sati.
2. Usvajanje Izvještaja o Javnim nabavkama za 2022. godinu JU "Kantonalni Zavod za zaštitu kulturno-historijskog i prirodnog naslijeđa Sarajevo".
3. Razno

Dnevni red je jednoglasno usvojen.

AD-1 Prisutni su bez primjedbi i sugestija usvojili Zapisnik sa 12. sjednice Nadzornog odbora održane 31.01.2023. godine.

AD-2. Član Duško Bašić postavlja pitanje za direktora Zavoda, Borisa Traparu o nabavci drona za Zavod. Direktor izjavljuje da je saradnik za zaštitu arheološkog naslijeđa, Mirza Kapetanović, dostavio spisak opreme koja mu je neophodna za istraživanje i da je omogućena kupovina drona za potrebe snimanja lokacija arheoloških nalazišta, kao i za potrebe drugih saradnika rada Zavoda. Član Duško Bašić podržava inicijativu i pozdravlja nabavku opreme koja će unaprijediti rad Zavoda, te sugeriše da se za slijedeći budžet planiraju sredstva za poboljšanje osiguranja. Članica Maja Hafizović konstatuje da nije sigurna da li Nadzorni odbor kao kontrolno tijelo prihvata na znanje ili usvaja Izvještaj o Javnim nabavkama za 2022. godinu. Nakon kraće rasprave predsjednik Nadzornog odbora Igor Radovanović poziva saradnika za finansijske poslove Bezdob Vedada. Na pitanje članice Maje Hafizović, od koga Zavod dobija bruto bilans i knjiženja, i da li su se obrasci godišnjeg obračuna promjenili u odnosu na prethodnu godinu, saradnik za finansijske poslove Vedad Bezdob izjavljuje da potrebne dokumente dobijaju od resornog ministarstva, te da za budžetske korisnike nema odstupanja osim u tehničkom dijelu predaje nadležnoj Finansijsko-informatičkoj agenciji (FIA). Predsjednik Nadzornog odbora konstatuje da se razmotri da li Nadzorni odbor usvaja Izvještaj ili prima na znanje. Zbog tehničkih problema, vezanih s nestankom električne energije, sjednica je prekinuta u 10:45 sati i odlučeno je da se nastavi online u 18:00 sati.

AD-3 Sjednica je nastavljena u 18:00 sati online putem viber grupe. Pod tačkom razno predsjednik Nadzornog odbora je izvjestio da se prema tumačenjima Zakona o prevenciji i suzbijanju korupcije u Kantonu Sarajevo nalazi u sukobu interesa jer je i član Upravnog odbora JU Biblioteka Sarajeva i da bi se trebao odreći jedne od funkcija kojke obavlja. Direktor i članovi Nadzornog odbora su mu sugerisali da se o svemu dobro informiše prije nego donese konačnu odluku, a prije svega su iskazali želju da ostane u Nadzornom odboru Zavoda i da nastave korektnu saradnju kao i do sada.

Sjednica je završena u 18:30 sati.


Sarajevo, 07.03.2023. godine

Zapisnik pripremila

Amra Rodić
[REDACTED]

Predsjednik Nadzornog odbora

Igor Radovanović
[REDACTED]



Dostaviti:

- Članovima Nadzornog odbora
- Direktor
- Arhivi NO
- Arhivi Zavoda